


一史論費

六七

後漢


三國



二	三	漢書門
〇	五	類
冊	架	函
號	架	函

元	二	漢
函	三	書
二	一	
七	〇	
架	九	

內閣文庫		
番號	漢	2319
冊數	20	(5)
函號	290	124



二十一史論贊 後漢書

宋 范曄 著

明 沈國元



列傳

黨錮

孔子曰性相近也習相遠也言嗜惡之本同而遷染之塗異也夫刻意則行不肆

定性○書



淺草文庫

其所與節其所偏雖情品萬區質又異歎至於陶物振俗其道也叔未澆訛王道陵缺而猶假仁以効已憑義以濟功舉中理則強梁褻氣片言違正則斷臺解情蓋前哲之遺塵有足求者霸

二十一史論贊

宋 范曄

明 沈國元

德既衰，狙詐萌起，疆者以決勝為雄，弱者以詐劣受屈。至有畫半策而縮萬金，開一說而錫環瑞，或起徒步而仕執珪，解草衣以升卿相。士之飾巧馳辯，以要能釣利者，不期而景從矣。自是愛尚相奪，與時回變，其風不可留。其散不能反，及漢祖杖劍，武夫勃興，憲列論世風相益處亦得原委全寬賒，久禮簡闊，緒餘四豪之烈人，懷陵上之心，輕死重氣，怨惠必讎，令行私庭，權移匹庶，任俠之方成，其俗矣。自武帝以後，崇尚儒學，懷經協術，所在霧會。至有石渠分爭之論，黨同伐異之說，守文之後，咸於時矣。至王莽專偽，終於篡國，忠義之流，耻見纓紼，遂乃榮華丘壑，甘足枯槁，雖中興在運，漢德重開，而保身懷方，彌相慕襲，去就之節，重於時矣。逮桓靈之間，主荒政謬，國命委於閹寺，士子虛與為伍，故匹夫抗憤，處士橫議，遂乃激揚名教，互相題拂，品覈公卿，裁量執政，矯直之風，於斯行矣。夫上好則下必甚，矯枉故直，必過其理狀矣。若范滂、張儉之徒，清心忌惡，終陷黨議，不其狀乎？初，桓帝為蠡吾侯，受學於甘陵周福，及即帝位，擢福為尚書。時同郡河南尹房植有名當朝，鄉人為之謠曰：「天下規矩，房伯武。」因師獲印，周仲進二家賓客，互相譏揣，遂各樹朋徒，漸成尤隙。由是甘陵有南北部黨人之議，自此始矣。後汝南太守宗資任功曹，范滂、南陽太守成瑨亦委功曹岑暉。二郡人為謠曰：「汝南太守范

二

黨

二

二

孟博南陽宗資主畫諾南陽太守岑公孝弘農成瑨但坐嘯因此
流言轉入太學諸生三萬餘人郭林宗賈偉節為其冠茲與李膺
陳蕃王暢更相襲重學中語曰天下模楷李元禮不畏強禦陳仲
舉天下俊秀王叔茂又渤海公族進階扶風魏齊卿茲危言深論
不隱豪強自公卿以下莫不畏其恥議屣履到門時河內張成善
說風角推占當赦遂教子殺不人李膺為河南尹督促收捕既而逢
省獲免膺愈懷憤疾竟案殺之初成以方伎交通宦官帝亦頗許
其占成弟子牢修因上書誣告膺等世事養太學游士交結諸郡生徒
更相驅馳共為部黨誹訕朝廷疑亂風俗於是天子震怒班下却

國逮捕黨人布告天下使同忿疾遂收執膺等其辭所連及陳寔
之後二百餘人或有逃遁不獲皆懸金購募使者四出相望於道
明年尚書霍諝城門校尉竇武何○寺○閣○係○表為請帝意稍解乃皆赦歸田
里禁錮終身而黨人之名猶書王府自是正直廢放邪枉熾結海
內希風之流遂共相標榜指天下名士為之稱號上曰三君次曰
八俊次曰八顧次曰八及次曰八尉猶古之八元八凱也竇武劉
淑陳蕃為三君君者言一世之所宗也李膺荀昱杜密王暢劉祐
魏朗趙典朱寓為八俊俊者言人之英也郭林宗宗慈巴肅夏馥
范滂尹勳蔡衍羊陟為八顧顧者言能以德行引人者也張儉岑

昏劉表陳翔孔昱范康檀敷翟超為八及及者言其能道人退宗
者也度尚張邈王考劉儒胡毋班秦周蕃嚮王章為八厨厨者言
能以財救人者也又張儉鄉人朱竝承望中常侍矣覽意旨上書
告儉與同鄉二十四人別相署號共為部黨圖危社稷以儉及檀
彬褚鳳張肅薛蘭馮禧魏玄徐乾為八俊田林張隱劉表薛郁王
訪劉祗宣靖公緒恭為八顧朱楷田槃踈耽薛敦宋布唐龍羸洛
宣襲為八及刻石立碑共為部黨而儉為之魁靈帝詔刊章捕儉
等大長秋曹節因此諷有司奏捕前黨故司空虞放太僕杜密長
樂少府李膺司隸校尉朱寓潁川太守巴肅沛相荀昱河內太守

魏朗山陽太守翟超任城相劉儒太尉掾范滂等百餘人皆死獄
中餘或先歿不及或亡命獲免自此諸為怨隙者因相陷害睚眦
之忿濫入黨中又州郡承旨或有未嘗交關亦離禍毒其死徙廢
禁者六七百人熹平五年永昌太守曹鸞上書大訟黨人言其方
切帝省奏大怒即詔司隸益州檻車收鸞送槐里獄掠殺之於是
又詔州郡更考黨人門生故吏父子兄弟仁人其在位者免官禁錮爰
及五屬光和二年上祿長和海上言禮從祖兄弟別居異財恩義
已輕服屬踈末而今黨人錮及五族既乖典訓之文有謬經常之
法帝覽而悟之黨錮自從祖以下皆得解釋中平元年黃巾賊起

○出○類○拔○萃○
中常侍呂彊言於帝曰黨錮久積人情多怨若久不赦宥輕與張
角合謀為變滋大悔之無救帝懼其言乃大赦黨人誅徙之家皆
歸故郡其後黃巾遂成朝野崩離綱紀文章蕩朕矣凡黨事始自
甘陵汝南成於李膺張儉海內塗炭二十餘年諸所蔓衍皆天下
善士三君八俊等三十五人其名迹存者茲載乎篇
孫月峯曰平平鋪去亦頗有漢飾辭腴而氣暢後綜括黨事始
末更有筆力是蔚宗得意之文字
千古奇禍中涓成之中涓解之甚矣其可畏也此文儘佳不知
昭明何以不取

李膺范滂

李膺振拔汗險之中○蘊義生風○以鼓動流俗○激素行○以耻威權○立
廉尚○以振貴執○使天下之士奮迅感榮○波蕩而從之○幽深牢破室
族而不顧○至於子伏其死○而母歡其義○壯矣哉○子曰道之將廢也
與命也

鍾伯敬曰不點出孟博文勢無痕
韓張甫曰振筆而往稜嶒激壯之概與墨波相為回薄讀之生
我廉矣

張儉

昔魏齊違死○虞卿解印○季布逃亡○朱家甘罪○而張儉見怒時王○
沛假命○天下聞其風者○莫不憐其壯志○而爭為之主○至乃損城委
爵○破族屠身○蓋數十百○所豈不賢哉○狀儉以區區一掌○而欲獨堙
江河○終嬰疾甚之亂○多見其不知量也○

楊用修曰○色調俱○

唐表臣曰○為其難者○心固可取○未應以此相礙○

二十一 史記 卷之六

郭太

莊周有言、人情險於山川、以其動靜可識、而沉阻難徵、故深厚之性、詭於情貌、則哲之鑒、惟帝所難、而林宗雅然、無所失、將其明性、特^着有主乎、狀而遜言、危行終享、時晦恂恂、善道使士慕、成名雖墨、孟之徒不能絕也。

沈無謀曰、性特有主、原是林宗涉世本領、論者猶致疑焉、何哉、明夷諸公、其趣不同、所歸則一、未易斷也。

二十一 史記 卷之六 郭太

竇武何進

竇武何進藉元舅之資據輔政之權。內倚太后臨朝之威。外迎羣
 英乘風之勢。卒而事敗。閹豎身死。功類為世所悲。豈智不足。而權
 有餘乎。傳曰。天之廢商久矣。君將興之。斯宋襄公所以敗於泓也。
 鍾伯敬曰。漢患外戚。梁氏用宦官。除之。患宦官。用董卓。除之。患
 董卓。用諸侯。除之。而漢隨以亡。病漸重。則醫漸難。醫難而醫
 之用藥。有所不暇。擇一患除。而除患者。留為患。因病求藥。而藥
 復為病。更數病。而以身從之。善為國者。勿使成極重之勢而已。
 唐聖俞曰。以智責二子。切中膏肓。父亦有餘感。

卷之六

孔融

昔諫大夫鄭昌有言。山有猛獸者。藜藿為之不採。是以孔父正色。不容弑虐之謀。平仲立朝。有紆盜齊之望。若夫文舉之高志直情。其足以動義槩。而忤雄心。故使移鼎之迹。事隔於人。存代終之規。啟機於身後也。夫嚴氣正性。凌折而已。豈有負圓委曲。可以每其生哉。慄慄焉。皜皜焉。其與琨玉。秋霜比質可也。

鍾伯敬曰。孔父舉本名士。體氣高妙。如琪花瑶草。雖不結實。自是風塵外物。而好談經濟。喜功名。竟無所成。只是一疎耳。疎之一字。是名士本色。而經世人。殊用不着。狀又耻不能經世。勉作。

卷之六 孔融

二十一 史記卷之二十一
經濟事。尤是名士大病。未可以文舉高妙。遂不責實。而槩以經世許之。司馬彪曰。文舉在北海。自以溢才命世。又自許大志。不肯碌碌。如平居郡守事。狀所任用。好奇取異。皆輕剽之才。但能矚網張羅。其自理甚疎。此言字字中。文舉病。只須一疎字耳。狀其膽量意氣。在禍福之外。實其所長。若陳元龍。具湖海氣。其經濟實用。則又可觀。養鷹養虎之喻。弄一勇夫於掌股之上。光景在目。使呂奉先。嗔喜不得。妙舌妙手也。
北海延抑劉曹之際。節直而心苦。此論能推其實。音微如旦。

荀彧

自遷帝西京。山東騰沸。天下之命倒懸矣。荀君乃越河冀。間關以從曹氏。察其定舉措。立言策。崇明王畧。以急國難。豈云因亂假義。以就違正之謀乎。誠大允服為已任期。紆人於倉卒也。及阻董昭之議。以致非命。豈歎也。夫世言荀君者。通塞或過矣。常以為中賢以下道。無求備。智算有所研。疎原始末。必要末。斯理之不可全。詰者也。夫以衛賜之賢。一說而斃兩國。彼非薄於仁而欲之。蓋有全必有喪也。斯又功之不兼者也。方時運之迤邐。非雄才無以濟其溺。功高勢疆。則皇器自移矣。此又時之不可茲也。蓋取其歸正而已。亦

殺身以成仁之義也。

孫月峯曰層層見奇有婉致有腴味

鍾伯敬曰甚矣荀彧之意侈而勞也奉迎天子以從人望令諸

侯是曹氏取天下妙題實自或首發之董卓兵起曹公亦恐其

倚王室之重則老瞞胸中亦覷定久矣當時許攸曾以說袁紹

紹不用而使曹氏占此先着袁曹相拒官渡孫策欲襲許迎天

子而策死紹讓此先着以資操策欲爭之而不逮有天馬可見

智謀之士手眼明捷畧同或首發此謀為曹氏佐命之冠心不

可負功不可掩察其始終一念隱衷苦苦欲諱之者何也蓋或

有用世之才之志舍操無可事者而又不欲公朕為曹氏私人

得罪萬世勸操擁戴天子故奉操征伐皆一以天子之命或儼

朕身為漢臣此或之隱情為操實以自為也操久亦或窺見之

及九錫之舉或猶愚操以大義曰曹公本興義兵以匡振漢朝

不知操取天下之局取予先後大半自或定之形就勢合操已

不得復為漢臣而或欲不為曹氏功臣其可得乎或以大義愚

操欲自全其名操即以愚或而取其實或已死而操猶以愚天

下後世曰天命在我吾當為周文王有為曹之實而又欲不失

漢臣之名甚矣或之意侈而勞也

侯廣成曰原心以立論存恕以疏觀得史家之體要矣

皇甫嵩朱雋

皇甫嵩朱雋。竝以上將之畧。受賑倉卒之時。及其功成。師剋威嚴。滿天下。值弱主蒙塵。獮賊放命。斯誠葉公投袂之幾。翟義鞠旅之日。故梁衍獻規。山東連盟。而舍格天之大業。蹈匹夫之小諒。卒狼狽虎口。為智士笑。豈天之長斯亂也。何智勇之不終甚乎。前史著平原華嶠。稱其父光祿大夫表。每言其祖魏太尉。歆稱時人。說皇甫嵩之不伐。汝豫之戰。歸功朱雋。張角之梟。本之於盧植。收名歛策而已。不有為。蓋功名者。世之所甚重也。誠能不爭天下之所甚重。則恐禍不深矣。如皇甫公之赴履危亂。而能終以歸全者。其致

不亦貴乎。故顏子願不伐善為先。斯亦行身之要與。
孫月峯曰：應起跌宕有勢，三轉亦有筆力。
深著不伐之美，可稱格論功名，熱中人聞之不減冰壺一濯。

董卓

董卓初以虓關為情，因遭崩剝之勢，故得蹈藉彝倫，毀裂畿服。夫
以剗肝斲趾之性，則羣生不足以馱其快狀。猶折意縉紳，遲疑陵
奪尚○忌相殘者有盜竊之道，烏及殘寇乘之倒山傾海，崑岡之火自茲而焚。
版蕩之篇於焉而極，嗚呼！人之生也難矣。天地不仁甚矣。
唐表臣曰：俊邁未二語傷心之極，挑燈三復，不知其涕泗之何從也。

十一 史記 卷之六 劉虞公孫瓚 十四

劉虞公孫瓚

自帝室王公之胄皆生長脂腴不知稼穡其能厲行飭身卓然不
羣者或未聞焉○劉虞守道慕名以忠厚自牧美哉乎季漢之賢宗
子也○若虞瓚無間同情共力糾人完聚稽保燕薊之饒繕兵昭武
以臨羣雄之隙舍諸天運激乎人文則古之生烈何遠之有
沈調象曰漢季羣英皆以疑忌自相吞滅無間二字波固未之
講也○論中代為籌畫所以深恤其迷復耳可勝唏噓

史記 卷之六 劉虞公孫瓚 十四

袁紹劉表

袁紹初以豪俠得衆。遂懷雄霸之圖。天下勝兵舉旗者莫不假以
 為名。及臨場決敵。則悍夫爭命。深籌高議。則智士傾心。盛哉乎其
 所資也。韓非曰。狠剛而不和。懷過而好勝。嫡子輕而庶子重。斯之
 謂亡徵。劉表道不相。越而欲。卧收天運。擬蹤三分。其猶木禺之於
 人也。

規刺調笑。咸中情實。行文亦復豪宕自喜。

史記卷之六十一 劉焉

劉焉

劉焉觀時方艱先求後亡之所庶乎見幾而作夫地廣則驕尊之
 心生財衍則僭奢之情用固亦怕人必至之期也璋能閉隘養力
 守案先圖尚可與歲時推移而遽輸利器靜受流斥所謂羊質虎
 皮見豺則怨吁哉
 姚仙期曰筆致澹永
 為焉璋設謀實皆先着使果出此豈天所以奪其鑒之意哉存
 其說以備考可也

史記卷之六十一 劉焉

二十一 史記 卷之六 大才堂

表術

天○命○符○驗○可○得○而○見○未○可○得○而○言○也○狀○大○致○受○大○福○者○歸○於○信○順○乎○夫○事○不○以○順○雖○疆○力○廣○謀○不○能○得○也○謀○不○可○得○之○事○曰○失○忠○信○變○詐○妄○生○矣○况○復○苟○肆○行○之○其○以○欺○天○乎○雖○假○符○借○稱○歸○將○安○所○容○哉○

誅絕變詐義凜辭嚴

二十一 史記 卷之六 表術

一 典論 卷之六 杜母 六 杜母

循吏傳

初光武長於民間頗達情偽見稼穡艱難百姓病害至天下已定
 務用安靜解王莽之繁密還漢世之輕法身衣大練色無重綵耳
 不聽鄭衛之音手不持珠玉之玩宮房無私愛左右無偏恩建武
 十三年異國有獻名馬者日行千里又進寶劍賈無百金詔以馬
 駕鼓車劍賜騎士損上林池籞之官廢聘望弋獵之事其以手迹
 賜方國者皆一札十行細書成文勤約之風行於上下數引公卿
 即將列於禁坐廣求民瘼觀納風謠故能內外匪懈百姓寬息自
 臨宰邦邑者競能其官若杜詩守南陽孺為杜母任延錫光移變

二十一 史論 卷之六 循吏傳 十一

邊俗斯其績用之。最章章者也。又第五倫宋均之後，亦足有可稱。談狀建武永平之間，吏事刻深，亟以謠言單辭轉^政易守長。故朱浮數上諫書，箴切峻政。鍾離意等亦規諷殷勤，以長者為言而不能得也。所以中興之美，蓋未書焉。自章和以後，其有善績者，往往不絕。如魯恭、吳祐、劉寬及潁川四長，茲以仁信篤誠，使人不欺。王堂、陳寵，委任賢良，而職事自理，斯皆可以感物而行化也。邊鳳、延篤，先後為京兆尹，時人以輩前世張趙。又王渙任峻之為洛陽令，明發姦伏，吏端禁止，狀道德齊禮，有所未充，亦一時之良能也。今綴集殊聞顯迹，以為循吏篇云。

孫月峯曰：平平叙去，亦自雅淨。

上有恭儉之風，下有循良之績，真如響之赴桴，影之從形。此論自光武躬行，說到化効源流，井井文之極有體要者。

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

酷吏傳

漢承戰國餘烈多豪猾之民其并兼者則陵橫邦邑築健者則雄
張閭里且宰守廣遠戶口殷大故臨民之職專事威斷族滅姦軌
先行後聞肆情剽烈成其不撓之威違衆用已表其難測之智至
於重文橫入為窮怒之所遷及者亦何可勝言故乃積骸滿穿漂
血十里致溫舒有虎冠之吏延年受屠伯之名豈虛也哉若其揣
挫強執摧勅公卿碎裂頭腦而不顧亦為壯也應轉有力自中興以後科網
稍密吏人之嚴害者方於前世省矣而閹人親婬侵虐天下至使
陽球磔王甫之屍張儉剖曹節之墓若此之類雖狀快衆憤亦云

命書

酷吏傳

二十

酷矣。儉知名，故附黨人篇。

孫月峯曰：鍛語工，故色濃。鍊調圓，故味永。

漢吏酷於豪強，後世酷於良善。狗已私與，扶衆憤者，固自別也。

篇中若抑若揚，文情波詭。

酷吏傳二

古者敦龐善惡易分，至於畫衣冠，異服色，而莫之犯。叔世偷薄，上下相蒙，德義不足以相洽，化道不能以懲違。遂乃嚴刑痛殺，陷而繩之，致刻深之吏，以暴理姦，倚疾邪之公直。濟恐苛之虐情，漢世所謂酷能者，蓋有聞也。皆以敢悍精敏，巧附文理，風行霜烈，威譽誼業與夫斷斷守道之吏，何工否之殊乎？故嚴君蚩黃霸之術，暴人笑卓茂之政，猛既窮矣，而猶或未矇狀。朱邑不以笞辱加物，表安未嘗鞠人，臧罪禁人不欺犯。何者，以為威辟既用，而苟免之行興仁信，道享故感，被之情著，苟免者威隙則姦起，感被者人亡而。

思存由一邦以言天下則刑訟繁措可得而求乎
以恕思行其刻筆幾於劉四之遺

宦者傳二

自古喪大業絕宗禋者其所漸有由矣三代以嬖色取禍羸氏以
豸虐致害西京自外戚失祚東都綠闥尹傾國成敗之來先史商
之久矣至於釁起宦夫其畧猶或可言何者刑餘之醜理謝全生
殷榮無暉於門閥肌膚莫傳於來體推情未鑒其敬即事易以取
信加漸染朝事頗識典物故少主憑謹舊之庸女君資出內之命
顧訪無猜憚之心恩狎有可悅之色亦有忠厚乎端懷術糾邪或
敏才給對飾巧亂實或借譽貞良先時薦譽非真苟恣凶德止於
暴橫而已朕真邪竝行情貌相越故能回惑昏幼迷瞽視聽蓋亦

有其理為詐利既滋朋徒日廣直臣抗議必漏先言之聞至感發
憤方欲專奪之際斯忠賢所以智屈社稷故其為墟易曰履霜堅
冰至云所從來久矣今迹其所以亦豈一朝一夕哉
渡接頓激都照應所漸有由一語深細醇懇外畧內詳脂腴之
久也

儒林傳

自光武中年以後干戈稍戢專事經學自是其風世篤焉其服儒
衣稱先生遊庠序聚橫塾者蓋布之於邦域矣若乃經生所處不
遠萬里之路精廬暫建贏糧動有千石其耆名高義開門受徒者
編牒不下萬人皆專相傳祖傳或訛雜至有分爭王庭樹朋私里
繁其章條穿求崖穴以合一家之說故揚雄曰今之學者非獨為
之華藻又從而繡其擊悅夫書理無二義歸有宗而碩學之徒莫
之或徒故通人鄙其固焉又惟所謂說說之學各習其師也且觀
成名高第終能遠至者蓋亦寡焉而迂滯若是矣朕所談者仁義

儒林傳
二十三

所傳者聖法也。故人識君臣父子之綱，家知違邪歸正之路，自桓
靈之間，君道秕僻，朝綱日陵，國隙屢啟。自中智以下，靡不審其崩
難，而權強之臣，息其闕盜之謀。豪俊之夫，屈於鄙生之議。人誦
先王言也，下畏逆順執也。至如張溫、皇甫嵩之徒，功定天下之半，
殺馳四海之表，俯仰顧盼，則天業可移，猶鞠躬昏主之下，狼狽折
札之命，散成兵就繩約，而無悔心。豎乎剝統自極，人神數盡。朕後
羣英乘其運，世德終其祚。跡哀敝之所由，致而能多。歷年所者，斯
豈非學之效乎？故先師垂典，文褒勵學者之功，篤矣切矣。不循春
秋，至乃此於殺逆，其將有意乎。

鍾伯敬曰：雍容不迫，以典瞻見態。構法極工。
放筆疏濶，不為擊悅之言。

二十一 文苑傳 卷之六 文苑傳 九

文苑傳

贊曰情志既動篇辭為貴抽心呈貌非彫非蔚殊狀共體同聲異氣言觀麗則永監淫費

總是容告不盡數語融括心陶有稟神明之業也

二十一 文苑傳 卷之六 文苑傳 九

獨行傳

孔子曰與其不得中庸必也狂狷乎又云狂者進取狷者有所不為也此蓋失於周全之道而取諸偏至之端者也狀則有所不為亦將有所必為者矣既云進取亦將有所不為者矣如此性尚分流為否異遠矣中世偏行一介之夫能成名立方者蓋亦衆也或志剛金后而尅捍於強禦或意嚴冬霜而甘心於小諒亦有結朋協好幽明共心誦義陵險死生等節雖事非通圓良其風軌有足懷者而情迹殊雜難為條品片辭特趣不足區別措之則事或有遺載之則貫序無統以其名體雖殊而操行俱絕故總為獨行篇

論語

卷之六 獨行傳

十六

來堂

烏麻倍諸闕文。紀志漏脫云爾。
作者苦心耿耿若揭。其以捺觚為喜者。當非惇良之品。

方術傳

仲尼稱易有君子之道四焉。曰卜筮者尚其占。占也者先王所以
定禍福決嫌疑。幽贊於神明。遂知來物者也。若夫陰陽推步之學。
注注見於墳記矣。狀神經怪牒玉策金繩。關於明靈之府。封滕
於瑤壇之上者。靡得而闕也。至乃河洛之文。龜龍之圖。箕子之術。
師曠之書。緯戾之部。鈴決之符。皆所以探幽蹟。參驗人區。時有
可聞者焉。其流又有風角。遁甲。七政。元氣。六日。七分。逢占。日者。挺
專須臾。孤虛之術。及望雲省氣。推處祥妖。時亦有以效於事也。而
斯道隱遠。玄奧難原。故聖人不語怪神。罕言性命。或開末而抑其

方術傳
二十七

二十一史評林 卷之六

端或曲辭以章其義所謂民可使由之不可使知之漢自武帝頗
好方術天下懷協道藝之士莫不負策抵掌順風而扇焉後王莽
矯用符命及光武尤信讖言士之赴趣時宜者皆馳騁穿鑿爭談
之也故王梁孫咸名應圖籙越登槐鼎之任鄭興賈逵以附同稱
顯桓譚尹敏以非忤論敗自是習為內學尚奇貴異數不乏於
時矣是以通儒碩生念其姦妄不經奏議慷慨以為宜見藏擯子
長亦云觀陰陽之書使人拘而多忌蓋為此也夫物之所偏未能
無蔽雖云大道其核或同若乃詩之失愚書之失誣狀則術數之
失至於說俗乎如令溫柔敦厚而不愚斯深於詩者也疏通知遠

而不誣斯深於書者也極數知變而不詭俗斯深於數術者也故
曰苟非其人道不虛行意者多迷其統取遺頗偏甚有雖流宕過
誕亦失也中世張澣乃陰陽之宗即顛咎徵寃家餘亦班班名家
焉其徒亦有雅才偉德未必體極勤能今蓋糾其推變尤長可以
弘說俗補時事因合表之云

孫月峯曰典則亦有春容之度
左大來曰密麗之文歸乎端慈斯真不迷聖統者也

二十一史評林 卷之六 方村傳 二十六

漢世之所謂名士者其風流可知矣。雖弛張趣舍時有未純於刻情修容依倚道藝以就其穀價非所能通物方弘時務也。及徵樊英楊厚朝廷若待神明至竟無心異英名竅高毀最甚李固朱穆等以為處士純盜虛名無益於用故其所以狀也。狀而後進帝之以成名世主禮之以得衆原其無用亦所以為用則其有用或歸於無用矣。何以言之。夫煥乎文章時或乘用本乎禮樂遠末或踈及其陶縉紳藻心性使由之而不知者豈非道邀用表乘之數跡乎。而或者忽不踐之地賒無用之功至乃誚譟遠術賤斥國華以

樊英傳

漢世之所謂名士者其風流可知矣。雖弛張趣舍時有未純於刻情修容依倚道藝以就其穀價非所能通物方弘時務也。及徵樊英楊厚朝廷若待神明至竟無心異英名竅高毀最甚李固朱穆等以為處士純盜虛名無益於用故其所以狀也。狀而後進帝之以成名世主禮之以得衆原其無用亦所以為用則其有用或歸於無用矣。何以言之。夫煥乎文章時或乘用本乎禮樂遠末或踈及其陶縉紳藻心性使由之而不知者豈非道邀用表乘之數跡乎。而或者忽不踐之地賒無用之功至乃誚譟遠術賤斥國華以



為力詐可以救淪。故文律足以致寧平。智盡于猥察。道足於法令。雖濟萬世。其將與夷狄同也。孟軻有言曰。以夏變夷。不聞變夷於夏。況有未濟者乎。

有用無用。分表的確名士風流。古今一轍。讀此論者。怒耶笑耶。

逸民傳

易稱避之時義大矣哉。又曰。不事王侯。高尚其事。是以堯稱則天。不屈賴陽之高。武蓋美矣。終全孤竹之潔。自茲以降。風流彌繁。長往之軌未殊。而感致之數匪一。或隱居以求其志。或曲避以全其道。或靜已以鎮其躁。或去危以圖其安。或垢俗以動其槩。或庇物以激其情。狀觀其甘心。歛之中。憔悴江海之上。豈必親魚鳥。樂林草哉。亦云性分所至而已。故蒙耻之賓。屢黜不去。其國瑯海之節。千乘莫移其情。遣使矯易去就。則不能相為矣。彼雖矜矜有類。沽名者。狀而蟬蛻。蠶埃之中。自致窠區之外。異夫飾智巧以逐浮。

利者乎。荀卿有言曰：志意修則驕，富貴道義重則輕。王公也。漢室中激，王莽篡位，士之蘊藉義憤甚矣。是時裂冠毀冕，相攜持而去之者，蓋不可勝數。楊雄曰：鴻飛冥冥，弋者何慕焉。言其達患之遠也。光武側席幽人，求之若不及。旌帛蒲車之所激，貴相望於巖中矣。若薛方、逢萌、聘而不肯至，嚴老、周黨、王霸至而不能屈。羣方咸遂，志士懷仁，斯固所謂舉逸民、天下歸心者乎。肅宗亦禮鄭均而激高鳳，以成其節。自後帝德稍衰，卯屢當朝，處子耿介，羞與鄉相等列。至乃抗憤而不顧多失，其中行焉。蓋錄其絕塵不反，同夫作者列之此篇。

錄月峯曰：雅淨有婉致，淡而味永。

沈長升曰：論極峻潔，堪饜諸公。

十一 史記贊 卷之六 九

高鳳

先大夫宣侯嘗以講道餘隙寓乎逸士之篇至高文通傳輟而有感以為隱者也因著其行事而論之曰古者隱逸其風尚矣潁陽洗耳耻聞禪讓孤竹長饑羞食周粟或高棲以違行或疾物以矯情雖軌跡異區其去就一也若伊人者志凌青雲之上身晦泥汗之下心名且猶不顯况愁累之為哉與夫委體洲沙鳴磔揆日者不其達乎

心名不顯寫得逼真白露蒹葭之外有此知已

三十二

列女傳

詩書之言女德尚矣。若夫賢妃助國君之政。哲婦隆家人之道。高士弘清淳之風。貞女亮明白之節。則其徽美未殊也。而世典咸漏焉。故自中興以後。綜其成事。述為列女篇。如馬鄧梁后。別見前紀。梁嫿李姬。各附家傳。若斯之類。竝不兼書。於但按次才行。尤高秀者。不必專在一撮而已。

末語殊見樂取之懷。偏識猶臆。未可與於著述之林也。

東夷傳 卷之六 東夷傳 九

東夷總論

昔箕子違哀殷之運○避地朝鮮○始其國俗○未有聞也○及施八條之
約○使人知禁○遂乃邑無淫盜○門不夜扃○頑薄之俗○就寬畧之法○
行數百千年故○東夷通以柔謹為風○異乎三方者也○苟政之所賜○
則道義存焉○仲尼懷憤以為九夷可居○或疑其陋○子曰君子居之○
何陋之有○亦徒有以焉耳○其後遂通商賈○漸交上國○而燕人衛
滿○擾雜其風○於是從而澆異焉○老子曰法令滋章盜賊多有○若箕
子之省簡文條○而用信義○其得聖賢作法之原矣○
箕子入而風淳○燕人擾而俗異○作法之原○可不慎哉○程宥轉化

二十一 史記卷之六 東夷傳 九

之妙。只在一二字間運用奇絕。

南蠻西南夷

漢自征伐戎夷。有事邊遠。蓋亦與王業而終始矣。至於傾沒疆宇。喪師敗將者。不出時歲。卒能開四夷之境。款殊俗之附。若乃文約之所沾。漸風教之所周。流幾將日。所出入處也。著自山海經志者。亦畧及焉。雖服叛難常。威澤時曠。及其化行。則緩耳雕眙之倫。獸居鳥語之類。莫不舉種盡落。回面而請吏。陵海越障。累譯以內。屬焉。故其錄名中。即校尉之署。編數都護部守之曹。動以數百萬計。若乃葳山隱海之靈物。沈沙棲陸之瑋寶。莫不呈表怪麗。雕被宮幄。烏又其寶。燿火毳馴禽封獸之賦。軫積於內府。夷歌巴舞。殊音

南蠻西南夷

南蠻西南夷

三十五

南蠻西南夷

異節之技列倡於外門。豈柔服之道必足於斯。狀亦云致遠者矣。蠻夷雖附阻巖谷而類有土居。東涉荆交之區。布獲巴庸之外。不量狀其凶勇。核算簿於羗狄。故陵暴之害不能深也。西南之徵尤為劣焉。故闕守永昌。肇自遠離。啟土立人。至今成都焉。抑揚之妙不數五音。海市蜃樓未為奇麗。斯論之大致也。若其歌風警節。駁駁乎登班馬之堂矣。

西苑

昔先王疆理九土。判別畿荒。知夷貊殊性。難以道御。故斥遠諸華。薄其貢賦。唯與薛要而已。若二漢御戎之方。失其本矣。何則。先零侵境。趙充國遷之。地當煎作冠。馬文淵徙之。三輔貪其暫安之。執信其馴服之情。計日用之權宜。忘經世之遠畧。豈夫識激者之為乎。故激于岳。注於象箸。辛有浩歎於伊川也。
張燁如曰。江統徙戎論。識者所繇。嘆其先知也。
貪暫安。忘遠畧。邊備自古而然。閱之增愾。



西域

西域風土之載。前古未聞也。漢世張騫一發。遠之累。班超奮封侯之志。終能立功。西遐。羈服外域。自兵威之所肅服。財賂之所懷誘。莫不獻方奇。納羨質。露頂肘行。東向而朝天子。故設戊己之官。分任其事。建都護之帥。總領其權。先則賞贏金。而賜龜綬。後則繫頭。賴而繫北。關立屯。田於膏腴之野。列郵置於要害之路。馳命走驛。不絕於時。月商胡販客。日款於塞下。其後甘英乃抵條支。而應安息。臨西海。以望大秦。拒玉門陽關者。四萬餘里。靡不周盡焉。若其境俗。性智之優薄。產載物類之區品。川河領障之基源。氣節

涼暑之通隔。梯山棧谷。繩行沙度。之道。身熱首痛。風災鬼難之域。
 莫不備寫情形。審求根實。至於佛道神化。興自身毒。而二漢方志。
 莫有稱焉。張騫但著地多暑。淫乘象而戰。班勇雖列其奉浮圖。不
 殺伐而精文善法。導達之功。靡所傳述。余聞之後。說也。其國則殷
 手中上玉燭和氣。靈聖之所降集。賢懿之所挺生。神迹詭怪。則理
 絕人區。感驗明顯。則事出天外。而騫超無聞者。豈其道閉往運。數
 開叔葉乎。不朕何誣異之甚也。漢自楚英始盛。齊戒之祀。桓帝又
 修華蓋之飾。將激義未譯。而但神明之邪。詳其清心釋累之訓。空
 有蕪遺之宗。道書之流也。且好仁惡殺。蠲敬崇善。所以賢達君子。
 多愛其法焉。朕好大不經。奇譎無已。雖鄙衍談天之辯。莊周蝸角
 之論。尚未足以槩其萬一。又精靈起滅。因報相尋。若曉而昧者。故
 通人多惑焉。蓋道俗無方。造物異會。取諸同歸。措夫疑說。則大道
 通矣。

茅鹿門曰。語排而態能宕。所以為佳。
 鍾伯敬曰。妙兼山海。旨寫華梵。足參激言。匪誰寔錄。
 史道隣曰。若存其通。則佛教原非可外。措疑取同。方見吾道之
 大。此論出兩家。徒無庸喙長一尺。

三十一 史記卷之六 漢書卷之六 漢書卷之六 漢書卷之六

南匈奴

漢初遭冒頓凶黠種衆強熾高祖威加四海而窘平城之圍太宗
政隲刑措不雪憤辱之耻建孝武亟興邊界有志匈奴赫朕命將
戎旗星屬侯列郊甸火通甘泉而猶鳴鏑揚塵出入畿內至於窮
竭武力單用天財歷紀歲以攘之寇雖顛折而漢之疲耗畧相當
矣宣帝值虜庭分爭呼韓邪來臣乃推納懷柔因為邊衛罷關徼
之傲息兵民之勞龍駕帝服鳴鍾傳鼓於清渭之上南面而朝單
于朔易無復匹馬之蹤六十餘年矣浚王莽陵篡擾動戎夷績以
更始之亂方夏幅裂自是匈奴得志狼心復生乘間侵佚害流傍

命齊 南匈奴 三十九 大來堂

境及中興之初更通舊好報命連屬金幣載道而單于驕踞益橫
 內暴滋深世祖以用事諸華未遑沙塞之外恐愧思難後報謝而
 已因徙幽并之民增邊屯之卒及關東稍定隴蜀已清其猛夫杆
 將莫不頓足攘手爭言衛霍之事帝方畧兵間脩文政未之許也
 其後匈奴爭立日逐來奔願脩呼韓之好以禦北狄之衝奉蕃稱
 臣永為外杆天子總攬羣策和而納焉乃詔有司開北鄙擇肥美
 之地量水草以處之馳中郎之使盡法度以臨之制衣裳備文物
 加璽綬之綬正單于之名於是匈奴分破始有南北二庭焉讐豐
 既深互伺便隙控弦抗戈覘望風塵雲屯鳥散更相馳突至於陷

潰創傷者靡歲或寧而漢之塞地晏然矣後亦頗為出師并兵窮
 討命竇憲耿夔之徒前後茲進皆用果譎設奇數里道同會究搃
 其窳穴躡北追奔三千餘里遂破龍祠焚薊幕阮十角楷閼氏銘
 功封后倡呼而還單于震懼屏氣蒙氈遁走於烏孫之地而漢北
 空矣千○古○難○得○之○時○百○五○不○易若因其時執及其虛曠還南虜於陰山歸河西於內地申
 光武權宜之思下防戎羯亂華之變使耿國之莫不謬於當世袁
 安之議見於後王平易正直若此其弘也而竇憲矜三捷之効
 忽經世之規狼戾不端專行威惠遂復更立北虜反其故庭茲恩
 兩護以私已福棄蔑天公坐樹大鯁永言前載何恨憤之深乎自

二十一 史論 卷之十一 十一

後○經○綸○失○方○畔○服○不○一○其○為○疾○毒○胡○可○單○言○降○及○後○世○既○為○常○俗○
終○於○吞○噬○神○鄉○丘○墟○帝○宅○嗚○呼○千○里○之○羞○興○自○毫○端○失○得○之○源○百○
世○不○磨○矣○

孫月峯曰朕客不及西羗論而筆勢却雄宕

汪雨若曰叙得淋漓激切使人悲喜橫集

匈奴勢合則強○分則弱○當其強則和柔以制其敬○當其弱則移○
徙以清內地○禦戎之法○窺其將狀而預為之所○斯不窮之道也○
追覽二漢得失之策○豈非後世之權輿哉○

高祖鮮卑

四夷之暴其執互疆矣○匈奴熾於隆漢○西羗猛於中興○而靈獻之○
間二虜迭盛○石魏驍猛○盡有單于之地○躡頓凶桀○公據遼西之土○
其陵跨國中○結患生人者○靡世而寧焉○朕制御上畧○歷世無聞○周○
漢之策○僅得中下將天之冥數○以至於此○是乎○

孫月峯曰此論似是卒成之終草草殊不加意

天數難推○人謀可據○歸之冥冥○盡乎責人之辭也○豈為彼開一○
委卸地耶○

二十一 史論 卷之十一 十一 四十一

三因赤

一、明、清、

卷之六

井、林、堂

Faint vertical text columns, likely bleed-through from the reverse side of the page.

三國志

三國志小引

是志也文中子稱其依大義而削異端溫公善其叙事勁而有體范曄亦稱其詞多勸戒有益風化雖文豔不及而質直過之第其帝魏退蜀昧于大統于是習鑿齒作漢春秋以蜀爲正魏爲篡謂漢亡三年則已爲晉炎興之名天實命之蕭嘗亦著續後漢書指壽所見之舛至謂其啣孔明髡父而爲貶辭求丁氏之米不獲而不立傳則苛矣史通云備王道則曹逆而劉順毆文忠論正統而不削魏其

賓客章望之著朝統論譏之或云國各有史何蜀之不自振也朱子曰孔明治蜀不會立史陳壽簡拾而為蜀志故甚略孔明極仔細者亦恐是當時經理王業之急不暇及此耳此論極確然陳評語語簡切非他人所能贊一辭也

古吳沈國元飛仲題



二十一史論贊目錄

古吳 沈國元飛仲 批評 子 沈 琦韓來 較

虎谿 姚 佺僊期 全閱 弟 姚 琪享尹 全較

禾上 朱國材幼柱 全閱 侄 朱 杰非庸 全較

三國志

魏書

武帝

文帝

明帝

二十一 史記 三國志 大牙堂

三少帝

后妃傳

董卓袁紹袁術劉表傳

呂布張邈臧洪傳

公孫瓚公孫度陶謙張楊張燕張繡張魯

諸夏侯曹

荀彧荀攸賈詡

袁渙張範涼茂國淵田疇王脩邴原管寧

崔琰毛玠徐奕何夔邢顛鮑勳司馬芝

鍾繇華歆王朗

程昱郭嘉董昭劉燁蔣濟劉放

劉馥司馬朗梁習張既溫恢賈逵

任峻蘇則杜畿鄭渾倉慈

張遼樂進于禁張郃徐晃

李典李通臧霸文聘呂處許褚典韋龐德龐清閻溫

任城威王彰陳思王植蕭懷王熊

武文世王公

王粲衛顛劉廙劉劭傅嘏

二十一 史記 三國志 目錄 二 大牙堂

桓階陳羣陳矯徐宣衛臻盧毓

和洽常林楊俊杜襲趙儼裴潛

韓暨崔林高柔孫禮王觀

李毗楊阜高堂隆

滿寵田豫牽招

徐邈胡質王昶王基

王凌母丘儉諸葛誕鄧艾鍾會

方術

烏桓鮮卑東夷

蜀書

二牧劉焉劉璋

先主

後主

二主后妃

諸葛亮

關羽張飛馬超黃忠趙雲

龐統法正

許靖麋竺孫乾簡雍伊籍秦宓

董和劉巴馬良陳震董允呂乂

劉封彭萊廖立李嚴劉琰魏延楊儀

霍峻王連向朗張裔楊洪費詩

杜微周羣杜瓊許慈孟光來敏尹默李譔護周郤正

黃權李恢呂凱馬忠王平張嶷

蔣琬費禕姜維

鄧芝張翼宗預楊戲

吳書

孫破虜討逆

吳主

吳三嗣王

劉繇太史慈士燮

妃嬪

宗室

張昭顧雍諸葛瑾步騭

張紘嚴畯程秉關澤蔣綜

周瑜魯肅呂蒙

程普黃蓋韓當蔣欽周泰陳武董襲甘寧凌統潘璋丁奉徐

盛

朱治朱狀呂範朱桓

虞翻陸績張溫賂統陸瑁吾粲朱據

陸遜陸抗

吳主五子

賀齊全琮呂岱鍾離牧周魴

潘濬陸凱陸胤

是儀吳綜徐詳

吳範劉惔趙達

諸葛恪滕胤孫峻孫綝漢陽興

王蕃樓玄賀邵韋曜華覈

二十一史論贊 三國志

晉 陳壽 著

明 沈國元

刊

魏書

武帝

姓曹諱操字孟德沛國譙人也漢相國參之後

評曰漢末天下大亂魏手著共款語與秦夫廢天下共逐意同壽蓋欲為操出脫雄豪並起而袁紹虎眈四州疆盛莫敵太祖

運籌演謀鞭撻宇內一箇篡字耳觀其正統與魏六意可也申商之法術該韓白之奇策官方授材各

因其器矯情任算不念舊惡終能總御皇機克成洪業者惟其明

畧最優也抑可謂非常之人超世之傑矣

以禪與曹魏則人心不服以篡坐之則操心又不服總之一屬

回護一屬苛責苛責所以存萬古綱常之重回護所以通一時
 世變之權雖各有其是而要皆非公平之論也善乎王弼洲之
 言曰當獻帝時董李肇蟻拉然土崩海內之欲為所欲為者何
 限有操亡無操亦亡亡等耳有操後亡則曷不修諸葛之政將
 之以忠純推陷廓清寓字真人人心而無忘漢也則漢人心而
 歿漢德魏也則魏不亦明白坦遂哉而顧狼其嗜狐其態屠僂
 忠舊教廢儀節至於弒后辱主而後已噫又何拙也此論出可
 以服古今之人心可以服阿瞞之心惟其當而已
 通尾似無貶辭而只以矯情任算一語寫出一箇魏武小像此
 史家點睛妙手所謂揚中之抑是也細看自得其用筆之法
 骨力整峻而渾龐之氣眇矣此時運為之也

二十一史評林

卷之七

二

卷之七

文帝諱五字子桓武帝太子

評曰文帝天資文藻下筆成章博聞彊識才藝兼該一〇字作轉若加之曠大之度勵以公平之誠邁志存道克廣德心則古之賢王何遠之有哉

按魏傳僅五葉而止五享祚稍長然行同夷虜絕無中國禮義之風操肉未寒五即僭竊納帝二女臨喪設樂遠求珍物而子道非始悅袁熙妻甄氏擁以為妃後寵郭貴嬪甫受禪即殺甄氏而夫綱絕貽謀如此而欲久安長治得乎
貴道德而眇文學識止辭婉猶有良史之遺

魏文帝

明帝 諱獻字元仲文帝太子

評曰明帝沉毅。斷識任心而行。蓋有君人之至。是、三、國、兵、爭、
光景。弊四海分崩。不先聿脩顯祖。闡拓洪基。而遽追秦皇漢武。宮館是
營格之遠。猷其殆疾乎。

初平原王叡。甄氏之嫡子也。射廡感父。其辭慘怛。彼蓋身適父
之偏聽。哀母之幽死。立而改德。孰有先於闡房之辨者。乃嬖毛
貴嬪。即廢虞妃。寵郭氏。即殺毛后。胡為乎文帝武宣后崩。皆不
送葬。初女淑卒。則為追謚立廟。取甄后從孫合葬南陵。厚薄倒
置甚矣。郭后雖潛殺甄氏。寔養獻為子。迫之暴崩。報施舛錯極

分卷
魏明帝

矣。齊王芳非子而子之。司馬懿曹爽非同心之佐而漫以霍光
今日彈望之。顧可得乎哉。無怪乎莽古今篡弒悖逆之禍而齊
發於魏也。此自然之勢也。
直寫驕侈之狀。筆極凝。擬。

三少帝芳髦真

評曰。古者以天下為公。唯賢是與。後代世位。立子以適。若適嗣不
繼。則宜取旁親明德。若漢之文宣者。斯不易之常準也。明帝既不
能然。情繫私愛。撫養嬰孩。傳以大器。託付不專。必參枝族。終於曹
爽。誅夷齊王。僭位高貴。公才慧夙成。好問尚辭。蓋亦文帝之風流
也。然輕躁忿肆。自蹈大禍。陳留王恭已南面。輔宰統政。仰遵前式。
揖讓而禪。遂饗封大國。作賓於晉。此之山陽。斑寵有加焉。
張太史曰。司馬氏既殺爽。勢必廢芳。芳既廢。勢必弒髦。既弒髦。
勢必廢真。而自立。語不云乎。其父行劫。其子殺人。司馬懿行劫。

者也。司馬昭與炎殺人者，也可謂確論。高貴公丕之長孫也，禮宜入承大統，見昭專恣，憤甚，召王沈、王經、王業謀討之。沈、業奔告昭，戰於闕下，乃被弒。而史譏其輕躁，忿肆自誦大禍，嗟乎！亦可謂不知義者矣。當是時，昭逆節已著，路人無不知之。髦討之，亦弒。趙高雖不斬於宗廟，子嬰之義，足告先王矣。故論者以為髦之拔劍升輦，賢於齊王垂泣歸藩、陳留王出舍金墉也。洙足為髦吐氣。以議論起以叙事，終文章正格也。惟是說到魏祚之短，全緣明帝令人致慎於承統之重，垂教之意深矣。

后妃傳 一 卞氏 甄氏 郭氏 毛氏 郭氏

評曰：魏后妃之家，雖云富貴，未有若哀漢來非其據宰割朝政者也。鑒往易軌於斯，為美。追觀陳羣之議，伐潛之論，適足以為百王規典，垂憲範乎後葉矣。

魏史所稱卞甄諸后言行之善，皆難以實論。故評中置而不道，但言鑒漢之轍，不假貴戚以權，為曹氏家法之正。亦知體識本者矣。五后中卞后最賢，觀其辭賞賜取中璫，謹事太祖，雄倚之主，可為開國母儀。

魏后紀 六

董卓袁紹袁術劉表傳

評曰、董卓狼戾賊忍、暴虐不仁、自書契已來、殆未之有也、袁術奢
 淫放肆、榮不終已、自亂之也、袁紹劉表咸有威容、器觀新知名當世、
 表踰蹈漢南、紹膺揚河朔、然皆外寬內忌、好謀無決、有才而不能
 用、聞善而不能納、廢嫡立庶、舍禮崇愛、至於後嗣顛覆、社稷傾覆、
 非不幸也、昔項羽背范增之謀、以喪其王業、紹之殺田豐、乃甚於
 羽遠矣、

蔡雲怡曰、隨叙隨斷、又總叙總斷、條理井然、末抽紹殺豐一事、
 以實內忌無決之驗、照應關鎖、具有精思、

董卓

董卓

七

董卓

單提令指中有抑揚之意而筆筆深嚴遂成千古鉄案末拈發
豐一節以著後來舉事無成榜樣感慨淋漓使人恨紹無用人
之明并恤豐無擇木之智也

呂布張邈滅洪傳

評曰、呂布有虓虎之勇而無英奇之器、輕狡反覆、唯利是視、自古
及今、未有若此不夷滅也、昔漢光武諤於龐萌、近魏太祖亦殺於
張邈、知人則哲、唯帝難之、信矣、陳登滅洪、並有雄氣、壯節、登降年
夙、隕功業、未遂、洪以兵弱、敵疆、烈志不立、惜哉、
中間忽發知人為難一段大議論如霞標、亘霄、聳人觀、眎

卷之二 呂布

二十一史評林 卷之七 六

公孫瓚公孫度陶謙張楊張燕張繡張魯傳

評曰公孫瓚保京坐待夷滅度殘暴而不節淵仍業以載函祇乏
覆其族也陶謙昏亂而憂死張楊授首於臣下皆擁據州郡曾匹
夫之不若固無可論者也燕繡魯舍羣盜列功臣去危亡保宗祀
則於彼為愈焉

文燈叢曰刺其闕美其明一予一奪斷斷如也

逐段類叙而總斷之句法峻甚

二十一史評林 卷之七 公孫

二十一 史論贊 卷之七 六來堂

諸夏侯曹傳

評曰夏侯曹氏世為婚姻故惇淵仁洪休尚真等並以親舊肺腑

貴重於時左右勲業咸有効勞爽德薄位尊沈溺盈溢此固大易

所著道家所忌也玄以規格局度世稱其名然與曹爽中外八○字○妙○繼

榮位如斯曾未聞匡弼其非○見○得○只○了○得○世○婚○局○面○乎○援致良才舉茲以論焉能免之乎

辭致曲折悠揚有味是平陽用意之筆

二十一 史論贊 卷之七 諸夏侯 十

荀彧時文批語倣賈詡傳

評曰。荀彧清秀通雅。有王佐之風。然機鑒先識。未能充其志也。苟倣賈詡。庶乎算無遺策。經遠權變。其良平之亞歟。

賈詡。漢李鄴入長安。實為禍胎。蓋欲自脫於李鄴之手。而寄其身於張繡。因挾繡。繡曾公。而因以自託其身。請詐如是。安可與二荀同日而論。惟文若抱救世之才。自度無尺寸之柄。何以興復漢室。撥亂世而反之。正環觀羣英。祇操可與有為。滿望其以伊周之心。行桓文之事。欲用操。以平時難耳。詎知操為命世奸雄。眼力每居人先。知非彧不可與共事。傾心下之。使彧反為吾

用而不覺故迎來之請亟從之又言題為漢鈺西將軍之墓又
言為周文王凡此皆所以安頓或之身心也及劉據漸平手滑
心忍為所欲為謂無所藉於或為矣九錫之進或沮之不能齎
志以歿寧不傷哉議者紛紛亦未諉身處其地再合裴松之蘇
軾鍾惺諸論參之或之為或可概見矣
子長史記引孔子之語為多此評風字志字全是學子與氏昔
人作文必有根據正自占地步處

袁渙張範涼茂國淵田疇王脩邴原管寧傳

評曰袁渙邴原張範躬履清蹈進退以道蓋是貢禹兩龔之匹涼
茂國淵亦其次也張承各行亞範可謂能弟矣田疇抗節王脩忠
貞足以矯俗管寧淵雅高尚確然不拔張翊胡昭闔門守靜不營
當世故并錄焉

管幼安王彥方張子明胡孔明當共一傳皆所謂不事王侯高
尚其志者而幼安獨備潛龍之德確乎不拔聖人之後也其餘
節行雖高籌畫雖奇然而非此其選矣邴原品格亞於王管而
竟委質於曹氏之朝惜哉

括全傳之旨使十一人行誼約畧可見而位置合節頓挫多風對之如濯魄於冰壺良愜清抱

崔琰毛玠徐奕何夔邢顒鮑勛司馬芝傳

評曰徐奕何夔邢顒貴尚峻厲為世名人毛玠清公素履司馬芝

忠亮不傾微辭廉乎不吐中論劉茹柔崔琰高格鮑勛秉正無虧而皆

不免其身惜哉甚矣大雅貴既明且哲虞書尚直而能溫自非兼才時

克備諸

鍾伯敬曰曹操殺崔琰最足千古可恤人而世多不譚及陳壽

以孔融附琰傳末琰地位身分儘高矣

漢末右節義而偏德之士顯然不見於中曷之義任性而往多

庸禍戮讀恤哉一段真藥石至言當奉以為居身涉世之準

鍾繇華歆王朗

評曰、鍾繇開達理幹、華歆清純德素、王朗文博富瞻、誠皆一時之
 俊偉也、魏氏初祚、肇登三司、盛矣夫、王肅亮直多聞、能折薪哉、劉
 實以為肅方於事上、而好下倭已、此一反也、性嗜榮貴而不求苟
 合、此二反也、吝惜財物而治身不穢、此三反也、
 鍾伯敬曰、漢末名士、惟歆寵劣、除却弒伏后一事、不論詳其本
 末、一頑老子耳、孫策徇豫章、豈有為人守土而幅巾迎敵者、而
 猶以年德受孫、即子弟之禮、豈不媿死、孫即借歆收衆、歆為所
 用、而不知或知之而甘為之用、若為不知也、

三○反○議○論○深○刻○新○奇○尤○妙○在○副○言○以○結○之○不○復○自○斷○一○語○可○稱○
老○手○

程昱郭嘉董昭劉燁蔣濟劉放

評曰程昱郭嘉董昭劉燁蔣濟才策謀畧世之奇士雖清治德業
殊於荀攸而籌畫所料是其倫也劉放文翰孫資勤慎並管喉舌
權聞當時雅亮非體是故譏諛之聲每過其實矣
神姿清燦融括極為苦心一結悠揚是曲終奏雅

劉毅司馬朗梁習張既温恢賈逵

評曰自漢季以來刺史總統諸郡賦政於外非若曩時司察之而已太祖創基迄於魏業此皆其流稱譽有名實者也咸精達事機感恩兼著故能肅齊萬里見述於後也

濟陽王思與梁習俱為西曹令史思因直日白事失魏武指魏武大怒教召主者將加重辟時思近出習代往對已被收執矣思乃馳還自陳已罪罪應受死魏武義習之不言思之識分皆釋之裴松之讀史至此議曰習與王思同寮而已親非骨肉義非刎頸而思以身受不測之禍以之為義無乃乖先哲之雅旨

乎或曰習知思必至決不死之耳噫是豈知習者哉思事出倉卒舉朝失措習慨然代往獨行其意前無所懼後無所顧斯天下之至烈也夫以宣誼為可緩而不前固未可以言勇若以為知其來而姑應之假使繫至即刑思不及白將奈何為此之論者亦大傷仁人義士之用心矣豈可勸示後世哉

不置部署只言惟時事權既隆而所任皆民譽雖重朝廷操制之善議論有識有體筆力亦貽宕又是一格

任峻蘇則杜畿鄭渾倉慈

評曰任峻始興義兵以歸太祖關土殖穀倉庾盈溢庸績致矣蘇則威以平亂既政事之良又矯矯剛直風烈足稱杜畿寬猛克濟惠以康民鄭渾倉慈恤理有方抑皆魏代之名守乎恕屢陳時政經綸治體蓋有可觀焉

蔡雲怡曰諸人各有本末而皆以守得名可見上所重在民巖則下必有起而應之者漢之名卿碩輔嘗出入為相守是時去漢未遠猶有盛代之懿風思深力厚琢鍊之極韻致亦復飄折雋永

張遼樂進于禁張郃徐晃

評曰太祖建茲武功而時之良將五子為先于禁宛瑨毅重然弗克其終張郃以巧變為稱樂進以曉果顯名而鑒其行事未副所聞或注記有道漏未如張遼徐晃之備詳也抑揚微婉冷然可思其着神都在幾箇轉折虛字

李典李通城霸文聘呂虔許褚典韋龐德龐涓關溫

評曰李典貴尚儒雅義忌私隙美矣李通城霸文聘呂虔鎮衛州
郡金著威惠許褚典韋折衝左右抑亦漢之樊噲也龐德授命叱
敵有周苛之節龐涓不憚伏劍而誠感鄰國關溫向城大呼齊解
路○之○烈○焉○
語○語○精○采○然○在○諸○君○當○之○亦○非○溢○量○

任城威王彰陳思王植蕭懷王熊
 評曰任城武藝壯猛有將領之氣陳思文才富豔足以自通後葉
 然不能克讓遠防終致攜隙傳曰楚則失之矣而齊亦未為得也
 其此之謂歟

鍾伯敬曰任城王彰召至謂臨菑侯曰先王名我者欲立法也
 植曰不可不見袁氏兄弟乎觀此語植無奪嫡之志明矣
 羅有持曰丕之恐植之疎傲兩者交譏矣然其際之開蓋在
 乎操之不斷操愛少子植問於賈詡詡不對曰適有所思操曰
 何思詡曰思袁本初劉景升父子操大笑而罷夫植雖不得立

而○至○之○忌○植○當○何○如○哉○人○之○貽○謀○何○可○不○善○
一○以○武○折○一○以○文○禍○不○競○不○絀○宜○君○宜○王○評○語○之○所○寓○者○遠○已○

武文世王公

評曰魏氏王公既後有國土之名而無社稷之實又禁防壅隔同
於囹圄位階靡定大小歲易骨內之恩乖棠棣之義廢為法之弊
一至於此乎

袁子曰魏興承大亂之後茂人損滅不可則以古始於是封建
侯王皆使寄地空名而無其實王國使有老兵百餘人以衛其
國雖有王侯之號而乃儕於匹夫縣隔千里之外無朝聘之儀
鄰國無會同之制諸侯游獵不得過三十里又為設防輔監國
之官以伺察之王侯皆思為布衣而不能得既違宗國藩屏之

義又虧親戚骨肉之恩

鍾伯敬曰中山王袞恭謹退讓極能韜晦而文道一道必欲與子建爭其矣名根之難化也子建為文帝所疾中山借文字相軋為逢迎政是一老奸詐

王粲衛顛劉廙劉劭傳

評曰昔文帝陳王以公子之尊博好文采同聲相應才士並出惟粲等六人最見名目而粲特處常伯之官興一代之制然其冲虛德宇未若徐幹之粹也衛顛亦以多識典故相時王之式劉劭該覽學籍文質周洽劉廙以清鑒著傳劭用才達顯云

鍾伯敬曰王粲策表曹成敗陳琳諫止何進召四方猛勇皆明於天下大計未可以文士掩之也

王順渠曰詳覽紀傳不見仲宣興制之詳也其與陳阮應劉俱文士之靡耳至於衛覲劉劭傳劭諸賢謀猷足以裨國明達足

以建事皆有用之才也。乃猥與諸浮薄同傳。而又次於其後。陳氏之鑒別陋矣。起手數語。將應求之妙。說透六人之才。得所主而益彰。令我愈深。知己之感。

桓階陳羣陳矯徐宣衛臻盧毓

評曰。桓階識親成敗。才周當世。陳羣動仗名義。有清流雅望。泰弘濟簡至。允克堂構矣。此段峯起波折文○章○變○化○處六卿之任也。陳徐衛盧久居斯位。矯宣剛斷骨鯁。臻毓規鑒。清理咸不忝厥職云。

短文窳難措手。整易板實。散易冗浮。故或於起處作步。或於中間出奇。或於收處撇韻。原無定格。此評忽叙到國家典制之善。窳為近古。無中生有一洗平鋪直叙之陋矣。

和洽常林楊俊杜襲趙儼其潛

評曰和洽清和幹理常林素業純固楊俊人倫行義杜襲溫粹識
統趙儼劉毅有度裴潛平恒貞幹皆一世之美士也至林能不繫
心於三司以大夫告老美矣哉

宋先之曰表林為勇退之勸可當冥夜清鐘

章法原不必句句照應此獨以林不戀要職為純素之証從其
重者大者而結之也

一史言... 卷之... 九來堂

韓暨崔林高柔孫禮王觀
評曰韓暨處以靜居行化出以任職流稱崔林簡樸知能高柔明
於法理孫禮剛斷伉厲王觀清勁貞白咸克致公輔及暨年過八
十起家就列柔保官二十年元老終位比之徐邈常林於茲為
矣。讀此使人重引年之誼知止之戒。

韓暨崔林高柔孫禮王觀
評曰韓暨處以靜居行化出以任職流稱崔林簡樸知能高柔明
於法理孫禮剛斷伉厲王觀清勁貞白咸克致公輔及暨年過八
十起家就列柔保官二十年元老終位比之徐邈常林於茲為
矣。讀此使人重引年之誼知止之戒。

韓暨崔林高柔孫禮王觀
評曰韓暨處以靜居行化出以任職流稱崔林簡樸知能高柔明
於法理孫禮剛斷伉厲王觀清勁貞白咸克致公輔及暨年過八
十起家就列柔保官二十年元老終位比之徐邈常林於茲為
矣。讀此使人重引年之誼知止之戒。

辛毗楊阜高堂隆

評曰。辛毗。楊阜。劉亮。公直正諫。匪躬亞乎汲黯之高風焉。高堂隆。學業脩明。志存匡君。因變陳戒。發於懇誠。忠矣哉。及至必改正朔。俾魏祖虞。所謂意過其通者歟。

三人直言敢諫。有古大臣之風。而阜全異。遂超其義烈。尤偉隆。欲改正朔。毗請法舜禹之事。不必相反。可稱雅量。史傳有此。寧非有國者之光歟。

滿寵田豫牽招

評曰滿寵立志剛毅勇而有謀田豫居身清白規畧明練牽招秉
 義壯烈威績顯著郭淮方策精詳少岳問秦雍而豫位止小州招終
 於郡守未盡其用也
 用而不盡與不用同令人不勝扼腕

徐邈胡質王昶王基

評曰。徐邈清尚弘通。胡質素業貞粹。王昶開濟識度。王基學行堅
白。皆掌統方任。垂稱著績。可謂國之良臣。時之彥士矣。
骨節珊然。

王凌毋丘儉諸葛誕鄧艾鍾會

評曰王凌風節格尚毋丘儉才識拔幹諸葛誕嚴毅威重鍾會精
練策數咸以顯名致茲榮任而皆心大志迂真不慮禍難變如發機
宗族塗地豈不謬惑邪鄧艾矯然疆壯立功立事然確闢於防患外
敗旋至豈遠知乎諸葛恪而不能近自見此益古人所謂目論者
也記

陳本叔曰司馬昭廢立不臣故儉欽舉兵討之事雖不克亦可
以伸大義於天下矣晉史黨於所事皆以反書遂使忠義之士
反被亂賊之名惜哉

沈去疑曰○斷制合節○

方術

評曰○華佗之醫○診杜夔之聲樂○朱建平之相術○周宣之相○夢管輅之術○筮○誠皆玄妙之殊巧○非常之絕技矣○昔史遷著扁鵲倉公日者之傳○所以廣異聞而表奇事也○故存錄云爾○

鍾伯敬曰○管公明負絕才○絕情而聞道者也○以術數掩史入方技○晦哉○然安知不以方技自晦也○
史○漢自表願學之意○分明以史統為已任○然亦見前人虛心○摸○仿○不敢儼然自附於作者○不似令人一味滿假○

史記卷之九

烏丸鮮卑東夷

評曰史漢著朝鮮兩越東京撰錄西羗魏世匈奴遂衰更有烏丸
鮮卑爰及東夷使譯時通記述隨事豈常也哉
筆法古拙置之史記中不復可辨

史記卷之九

烏丸

三十一

二十一 卷之七

蜀書

紀傳

二枚劉焉劉璋

評曰、昔魏豹聞許負之言、則納薄姬於室、劉歆見圖讖之文、則名
 字改易、終於不免其身、而慶鍾二主、此則神明不可虛要、天命不
 可妄冀、必然之驗也。而劉焉聞董扶之辭、則心存益土、聽相者之
 言、則求婚吳氏、遽造輿服、圖竊神器、其惑甚矣。璋牙非人、雄而據
 土、亂世負乘、致冠自然之理、其見奪取、非不幸也。

王弼洲曰、說者以昭烈取劉璋為孔明之罪、或曰、孔明未嘗入

命

二枚

三十二

蜀也。蓋龐統謀之也。或曰：昭烈之入蜀，劉璋迎之也。至蜀而後
有疑，乃始成師焉。愚以為不然。劉焉者，雖帝宗也，而不臣嘗為
乘輿服御物，絕貢賦矣。曹氏欲挾帝以討之，而力未及。劉璋之
嗣有地也，非漢意也。其入蜀也，以迎其用兵也，以却何傷乎？且
是時，荆州半與吳共之。其勢必不足以立國。有蜀而始可存。漢
之緒而進，足以討賊。愚以為孔明即與謀可也。且取天下與存
天下者，異存天下不得已而權以濟之，猶勝於汙而失天下者
也。昭烈之不殺璋，佩其將軍印，與其財而使之居公安，處之善
者。

鍾伯敬曰：三國時，天下大勢在曹。士之欲自效者，必先歸曹。張
松以益州賣於曹公。曹公深心而失一松，固失一益州。蓋天留
之以待先主也。松之送益州於先主也，固其第二義矣。
評語議論激昂，而肯則歸乎大正，消多少睥睨之心。

先主名備字玄德漢景帝子中山靖王之後

評曰先主之弘毅寬厚知人待士蓋有高祖之風英雄之器焉及

其舉國託孤於諸葛亮而心神無貳誠君臣之至公古今之盛軌

也各有所長未可優劣機權幹畧不逮魏武是以基宇亦依然折而不撓終不為下者

抑揆彼之量必不容已非唯競利且以避害云爾

避害二字識透先主本心當操從容謂玄德曰天下英雄惟使

君與操耳先主方自晦韜而使曹公有此語已被他看破安得

不驚而失措乎閉門種菜借荆入巴皆是高飛深逝之念或言

操非不欲殺備不能殺備恐失人望耳非也天下無可殺之英

先主
三十四

雄○使○必○可○殺○則○亦○非○上○天○生○之○之○意○浚○井○而○出○微○服○而○過○豈○非○
避○害○之○明○鑒○歟○陳○氏○於○評○中○特○揚○之○可○謂○史○眼○

後主名禪昭烈子

評○曰○後○主○任○賢○相○則○為○循○理○之○君○惑○闇○豎○則○為○昏○闇○之○后○傳○曰○素○
絲○無○常○唯○所○染○之○信○矣○哉○禮○國○君○繼○體○踰○年○改○元○而○章○武○之○三○年○
則○革○稱○建○興○考○之○古○義○體○理○為○違○又○國○不○置○典○注○記○無○官○是○以○行○
事○多○遺○災○異○靡○書○諸○葛○亮○雖○遠○於○為○政○凡○此○之○類○猶○有○未○周○焉○然○
經○載○十○二○而○年○名○不○易○軍○旅○屢○興○而○赦○不○妄○下○不○亦○卓○乎○自○亮○沒○
後○茲○制○漸○虧○優○劣○著○矣○
裴○松○之○曰○赦○不○妄○下○誠○為○可○稱○至○於○年○名○不○易○猶○所○未○達○案○建○
武○建○安○之○禘○皆○久○而○不○改○未○聞○前○史○以○為○美○談○經○載○十○二○蓋○何○

之。六。豈別有他意。求之未至乎。亮歿後延熙之瑞。數盈二十。茲制漸虧。事又不然也。
昭烈臨終。令後主以父事亮。故建興十餘年間。軍國大權。皆屬孔明。後主於默仰成而已。此在中人。必有所不堪者。而後主畧無芥蒂之隙。及孔明不幸。一聞李懿離譜之言。赫然誅絕無少疑貳。繼志述事之孝。尊師重傅之誠。後主蓋兩得之。嗚呼其賢矣哉。
起手數語。說得聳醒。為千古君人之鏡。要不出孔明親賢臣一段議論。

二主后妃
甘后 吳后 先主配 後主子璿 琰 璿 璿 璿 璿 璿 璿 璿 璿
永理 先主子 後主子 璿 琰 璿 璿 璿 璿 璿 璿 璿

評曰。易稱有夫婦。然後有父子。夫人倫之始。思紀之隆。莫尚於此矣。是故紀錄以究一國之體焉。
按孫盛蜀世譜云。璿第六人。蜀敗。謀自殺。餘皆內徙。值永嘉大亂。子孫滅絕。惟永孫玄奔蜀。李雄偽署安樂公。以嗣禪。後永和三年。討李勢。盛叅戎行。見玄於成都。昭烈之後。猶有存者。豈非天乎。



孔明傳

諸葛亮之為相國也。撫百姓。示儀軌。約官職。從權制。開誠心。布公道。盡忠益時者雖讎必賞。犯法怠慢者雖親必罰。服罪輸情者雖重必釋。游辭巧飾者雖輕必戮。善無微而不賞。惡無纖而不貶。庶事精練。物理其本。循名責實。虛偽不齒。終於邦域之內。咸畏而愛之。刑政雖峻。而無怨者。以其用心平。而勸戒明也。可謂識治之良才。管籥之亞匹矣。然連年動衆。未能成功。益應變應相字不將畧非其所長歟。

諸葛亮

評曰。諸葛亮之為相國也。撫百姓。示儀軌。約官職。從權制。開誠心。布公道。盡忠益時者雖讎必賞。犯法怠慢者雖親必罰。服罪輸情者雖重必釋。游辭巧飾者雖輕必戮。善無微而不賞。惡無纖而不貶。庶事精練。物理其本。循名責實。虛偽不齒。終於邦域之內。咸畏而愛之。刑政雖峻。而無怨者。以其用心平。而勸戒明也。可謂識治之良才。管籥之亞匹矣。然連年動衆。未能成功。益應變應相字不將畧非其所長歟。

王順渠曰。孔明。賢者也。然不聽楊顛之諫。而親較簿書。卒為敵

人所窺不用魏延之策而誤信馬謖卒致街亭之敗二事皆其所短所謂智者千慮之一失也後人止見孔明之賢不宜有過遂一切從而為之辭所見陋矣
鍾伯敬曰孔明治國賞罰之信至通神明只是用申韓入妙今人看申韓自粗未得其微處而遽以法家少之耳
陳氏譏亮短於將畧可謂失言矣世俗以壽前人為亮所誅故志中多所掎抑余讀其評至用心平而勸戒明一語則知不足亮處是其識力不濟非有心之貶也諸賢互有可否惟張南軒一斷獨見武侯之大可謂千古知己

關羽張飛馬超黃忠趙雲

評曰關羽張飛皆稱萬人之敵為世虎臣羽報效曹公飛義釋嚴顏並有國士之風然羽劍而自矜飛暴而無恩以短取敗理數之常也馬超阻戎負勇以覆其族惜哉能因窮致泰不猶愈乎黃忠趙雲疆擊壯猛並作爪牙其灌滕之後歟
高帝初定天下而羣臣以醉爭功殿上拔劍擊柱帝心厭之叔孫通請定朝儀而朝廷始尊先主鼎峙之業未成方在草創擾攘之秋而羽飛侍立終日君臣之禮森然規模固已宏遠矣至如飛議以禮服馬超而雲之辭田宅請滅魏皆有古大臣識量

寧得僅以名將律之陳明卿譏評語未實豈誣也哉

龐統法正

評曰龐統雅好人盛德流經學思謀於時氣楚謂之高俊法正著見成敗有奇畫策算然不以德素稱也儼之魏臣統其荀彧之仲叔正其程郭之儔儼邪

蔡雲怡曰士元佳處頗多不暇細論只其性好人無私長養每所稱述多過其才時人怪而問之統答曰當今天下亂雅道陵遲善人少而惡人多方欲興風俗長道業不美其譚即聲名不足慕企不足慕企而為善者少矣今拔十失五猶得其半而可以崇萬世教使有志者自勵不亦可乎嗟乎存此心也雖



日臧否人無怨矣

先主伐吳敗歸白帝亮嘆曰法孝直若在則能制主上今不東行就復東行必不傾危矣觀孔明推許如此正之智術優已評兩人亦確但多礙之一段反不緊拔耳

許靖糜竺孫乾簡雍伊籍秦宓

評曰許靖風有名譽既以篤厚為稱又以人物為意雖行事舉動未悉允當蔣濟以為大較廊廟器也糜竺孫乾簡雍伊籍皆雍容風議見禮於世秦宓始慕肥遯之高而無若愚之實然專對有餘文藻壯美可謂一時之士矣

鄭鴻逵曰靖避孫氏而屬意曹公者其心獨不忘乎漢室也觀其通書曹公拳拳以太公霍光望之蓋可見矣或曰不識捺之不可以為太公霍光也而欲附之不可謂知是不然以文若之賢周旋左右尚不知操之不可以為齊桓至議九錫而後悔恨

以殺身爲況○文○生○遠○在○萬○里○之○外○乎○且○終○身○不○失○爲○劉○氏○臣○子○
其○視○優○悠○仇○國○恬○不○爲○耻○寧○不○謂○之○賢○哉○
悠○揚○流○動○且○見○風○雅○之○遺○

董和劉巴馬良陳震董允呂乂

評曰董和蹈羔羊之素○劉巴履清尚之節○馬良貞實稱爲令士○陳震忠恪老而益篤○董允匡主義形於色○皆蜀臣之良矣○呂乂臨郡則垂稱處朝則被損亦黃薛之流亞矣○

不謂通才

鍾伯敬曰張飛就巴宿巴不與語畢竟是巴心粗作漢末名士○
習氣主人自處無禮而坐視客之加禮於我巴輸飛遠矣巴在蜀以歸附非素懼見嫌猜恭默守靜而有此舉動抑豈涉世全身之道乎○

羅有持曰舉體清爽○

劉封彭美廖立李嚴劉琰魏延楊儀
評曰劉封處嫌疑之地而思防不足以自衛彭美廖立以才拔進
李嚴以幹高遠魏延以勇畧任楊儀以當官顯劉琰舊任並咸貴
重覽其舉措迹其規矩招禍取咎無不自己也
蔡雲怡曰諸人皆非大器而魏楊尤為杰詐胎禍於蜀蚤被明
眼人看破矣蜀臣費禕使吳孫權大醉問禕曰楊儀魏延牧豎
小人也雖嘗有鳴吠之益於時務然既以任之勢不得輕若一
朝無諸葛亮必為禍亂矣後卒如其言
句法蒼勁峭潔對之如親寒壁

劉封彭美廖立李嚴劉琰魏延楊儀

評曰劉封處嫌疑之地而思防不足以自衛彭美廖立以才拔進

李嚴以幹高遠魏延以勇畧任楊儀以當官顯劉琰舊任並咸貴

重覽其舉措迹其規矩招禍取咎無不自己也

蔡雲怡曰諸人皆非大器而魏楊尤為杰詐胎禍於蜀蚤被明

眼人看破矣蜀臣費禕使吳孫權大醉問禕曰楊儀魏延牧豎

小人也雖嘗有鳴吠之益於時務然既以任之勢不得輕若一

朝無諸葛亮必為禍亂矣後卒如其言

句法蒼勁峭潔對之如親寒壁

十一
史記
卷之十一

霍峻王連向朗張裔楊洪費詩

評曰霍峻孤城不傾王連固節不移向朗好學不倦張裔庸敏應
機揚洪乃心忠公費詩率意而言皆有可紀焉以先主之廣濟諸
葛之準繩詩吐直言猶用陵遲况庸后乎哉
未○洛○石○出○別○想○寄○託○甚○遠○感○慨○多○在○言○外○

十一
史記
卷之十一
霍峻
四十三

杜微周羣杜瓊許慈孟光來敏尹默李讓護周郤正
評曰杜微脩身隱靜不後當世庶幾夷皓之槩周羣占天有徵杜
瓊沈默慎密諸生之純也許孟來李博涉多聞尹默精於左氏雖
不以德業為稱信皆一時之學士護周詞理淵通為世碩儒有董
楊之規郤正文辭粲爛有張蔡之風加其行止君子有取焉二子
處晉事少在蜀多故著於篇
經緯錯綜有動宕應落之致一洗方整枯寂諸病

史記卷之七十一 廉頗藺相如列傳 四十五 大英堂

黃權李恢呂凱馬忠王平張嶷

評曰黃權弘雅思量李恢公亮志業呂凱守節不回馬忠擾而能毅王平忠勇而嚴整張嶷識斷明果咸以所長顯名發迹遇其時也

末語悠然有味可為長貧賤者解嘲

二十一 史記卷之七十一 廉頗藺相如列傳 四十五 大英堂

蔣琬費禕姜維

評曰蔣琬方整有威重費禕寬濟而博愛咸承諸葛之成規因循而不萃是以邊境無虞邦家如一然猶未盡治小之宜居靜之理也姜維粗有文武忠立功名而耽衆黷旅明斷不周終致隕斃老子有云治大國者猶烹小鮮況於區區蕞爾而可屢擾乎哉

宋宗玉曰議論切中利病真識達治道之言

裴松之謂蔣費為相克遵畫一未嘗徇功妄動有所虧喪外却駱谷之師內保寧緝之實治小之宜居靜之理何以過於此哉如此駁陳氏信為正矣姜維死於鍾會之亂王順渠以為此棄

母報應稽之天道良非遠也。然壽議論可采推之於治必有可觀之効。非獨追蜀往事而已也。

鄧芝張翼宗預楊戲

評曰。鄧芝堅貞簡亮。臨官忘家。張翼允善維之。錢宗預禦孫權之嚴。咸有可稱。楊戲商峯意在。不羣然智度有短。殆罹世難云。氣勁節堅。擲地作金石之響。

吳書

傳

孫破虜討逆

評曰孫堅勇擊劉毅。孫微發迹○平○識○。卓山陵杜塞。有忠壯之烈。策英氣傑濟。猛銳冠世。覽奇取異。志陵中夏。然皆輕佻果躁。隕身致敗。且割據江東。策之基也。而權尊崇未至。子止侯爵於義。儉矣。

孫子曰。孫氏兄弟皆明畧。絕羣創基立事。策之由也。自臨終之日。顧命委權。夫意氣之間。猶有矧頸。況天倫之篤愛。豪達之英。

孫破虜

孫破虜

四十八

孫破虜

鑒○豈○吝○名○瑞○於○既○往○違○情○本○之○至○實○哉○抑○將○遠○思○虛○盈○之○歎○而○
慎○其○名○器○者○乎○夫○正○本○定○名○為○國○之○大○防○杜○絕○疑○貳○消○釁○之○良○
謨○是○故○魯○隱○矜○義○終○致○羽○父○之○禍○宋○宣○懷○仁○卒○有○瑒○公○之○哀○皆○
心○存○小○善○而○不○達○經○綸○之○圖○求○譽○當○年○而○不○思○貽○厥○之○謀○可○謂○
輕○千○乘○之○國○蹈○道○則○未○也○孫○氏○因○擾攘○之○際○得○奮○其○縱○橫○之○志○
業○非○積○德○之○基○邦○無○磐○石○之○固○勢○一○則○祿○祚○可○終○情○乖○則○禍○亂○
塵○起○安○可○不○防○微○於○未○兆○慮○難○於○將○來○壯○哉○策○為○首○事○之○君○有○
吳○開○國○之○主○將○相○在○列○皆○其○舊○也○而○嗣○子○弱○劣○折○薪○弗○荷○奉○之○
則○魯○柏○田○市○之○難○作○崇○之○則○與○夷○子○馮○之○禍○興○是○以○正○名○定○本○
使○貴○賤○殊○邈○然○後○國○無○凌○肆○之○責○後○嗣○罔○猜○忌○之○嫌○羣○情○絕○異○
端○之○論○不○逞○杜○覬○覦○之○心○於○情○雖○違○於○事○雖○儉○至○於○括○囊○遠○圖○
永○保○維○城○可○謂○為○之○於○其○未○有○治○之○於○其○未○亂○者○也○陳○氏○之○評○
其○未○違○乎○
卓○操○二○人○漢○之○賊○中○夏○之○大○蠹○也○堅○父○子○志○欲○除○之○興○復○漢○室○
而○皆○以○亨○年○未○永○弗○成○績○業○惜○哉○評○特○舉○之○以○表○其○忠○傑○之○氣○
識○亦○偉○矣○

吳主

評曰孫權屈身忍辱任才尚計有句踐之奇英人之傑矣故能自
 檀江表成鼎峙之業大立然性多嫌忌果於殺戮如殺威靈之類暨臻末年彌以滋甚
 至於讒說珍行胤嗣廢斃義(當)追論豈所謂貽厥孫謀以宴翼子者哉其後
 葉陵遲遂致覆國未必不由此也
 權以易嫡地亂舉父兄開創之業一生勤苦之績付之一擲初
 終之際烏可不慎哉

十一史論卷之七

吳三嗣主

評曰孫亮童孺而無賢輔其儲位不終必然之勢也任以舊愛宿
恩任用興布不能拔進良才改絃易張雖志善好學何益救亂乎
又使既廢之亮不得其死友于之義薄矣皓之淫刑所濫隕斃流
黜者益不可勝數是以羣下人人揣恐皆日日以冀朝不謀夕其
榮惑巫祝交致祥瑞以為至急昔舜禹躬稼至聖之德猶或矢誓
衆臣予遣女弼或拜昌言常若不及况皓凶頑肆行殘暴忠諫者
誅說諛者進虐用其民窮淫極侈宜晉首分離以謝百姓既蒙不
死之詔復加賜命之寵豈非曠蕩之恩過厚之澤也哉

二十一史論卷之七 吳三 五十一

文極明。寫三君所以致喪亡之故。應應可戒。不當過於氣數。

大雅堂

列傳

劉繇太史慈士燮

評曰。劉繇。藻。厲名。行好尚。臧否。至於擾攘之時。據萬里之土。非其長也。太史慈。信義篤烈。有古人之分。士燮作守南越。優游終世。至子不慎。自貽凶咎。蓋庸才玩富貴而恃阻險使之然也。抑揚合節。恍聞洞庭之奏。

妃嬪

評曰易稱正家而天下定詩云刑於寡妻至於兄弟以御於家邦
 誠哉是言也遠觀齊桓近察孫權皆有識士之明傑人之志而嫡
 庶不分閨庭錯亂遺笑古今殃流後嗣由是論之惟以道義為心
 平一為主者然後克免斯累邪
 審好惡則平矣明貴賤則一矣正家之道不易乎此可見經史
 相為表裏

宗室

評曰、夫親親恩義、古今之常。宗子維城、詩人所稱。況此諸孫、或贊興、初基、或鎮據、邊垂、克堪厥任、不忝其榮者乎。故詳著云。
傳中所載、吳之支庶、凡十餘人、惟靜以通、曹不克終、餘皆能發奮、成其志業、譜牒增光多矣。

十一 史記 卷之七

張昭顧雍諸葛瑾步騭

評曰張昭受遺輔佐功勳克舉忠蹇方直動不為已而以嚴見憚
 以高見外既不處宰相又不登師保從容閭巷養老而已以此明
 稚之不及策也顧雍依杖素業而將之智苟故能究極榮位諸葛
 瑾步騭並以德度規檢見器當世張承顧邵虛心長者好尚人物
 周昭之論稱之甚美故辭錄焉譚獻納在公有忠貞之節任承脩
 志成庶為善愛惡相攻流播南裔哀哉

宋宗王曰策師禮張昭昭臨亡以弟權託昭曰若仲謀不任事
 者君便自取之即昭烈命武侯之意然禪父事武侯初終不改

二十一 史記 卷之七 張昭 五十五

而權性忌○旋見疎遠○豈非牽顧於一言耶○與參乘負芒之疑相○
同○但云崇顯不及○非知權之心者也○
僧仲謀待昭不及○策形容昭之賢○是文家撲跌妙法○叙置蕭○
散○而語意自涵○永旨人○

張紘嚴峻程秉闕澤薛綜

評曰○張紘文理意正為世令範○孫策待之亞於張昭○誠有以也○嚴○
程闕生一時儒林也○至峻辭榮濟○篤不亦長者乎○薛綜學識規納○
為吳良臣及瑩纂編允有先風○然於暴酷之朝○屢登顯列○君子殆○
諸○

王順渠曰○語曰○父子相隱○直在其中○瑩三世事吳○身為皓臣○一○
且恐心反面○暴揚舊君之短○畧無顧忌○其有媿於李仁多矣○
宋澄嵐曰○詞極工苦○而無格厄之迹○通體瑩俊○

卷之七

周瑜魯肅呂蒙

評曰：曹公乘漢相之資，挾天子而掃羣桀，新蓋荆城，仗威東夏。於時議者莫不疑貳。周瑜魯肅，建獨斷之明，出眾人之表，實奇才也。
呂蒙勇而有謀，斷識軍計，諳郝普禽關羽，竅其妙者，初雖輕果，後殺終於克己，有國士之量。豈徒武將而已乎？孫權之論優劣，允當故載錄焉。

羅有持曰：品人論事，在得其大。主腦赤壁之役，白衣之計，蜀吳離合，所自起存亡得失，全係乎此。陳氏雖知其然而猶未睹其終也，故寬蒙責耳。

周瑜魯肅呂蒙

起勢突兀一瀉而下其頓挫之妙皆藏於者也烏乎閑澹字裡
向未可忽過

程普黃蓋韓當蔣欽周泰陳武董襲甘寧凌統潘璋丁奉徐

威

評曰凡此諸將皆江表之虎臣孫氏之所厚待也以潘璋之不脩
權能忘過記功其保據東南宜哉陳表將家支庶而與曹子名人

比翼齊衡拔萃出類不亦美乎

周一韓曰都用虛字吸領氣脈故秀逸絕倫
獨取陳表亦是文人薦好聲氣之習

二十一 史記 卷之七 朱治

朱治朱然呂範朱桓

評曰朱治呂範以舊臣任用朱然朱桓以勇烈著聞呂據朱異施績咸有將領之才克紹堂構若範桓之越隘得以吉終至於據異無此之尤而反罹殃者所遇之時殊也

陳木叔曰世途吉凶儘有不可得而知者然君子益致其敬修未可盡委之於時遇也
未一則勢截而致互筆力矯矯

卷之十一

大業堂

虞翻陸績張溫駱統陸瑁吾粲朱據

評曰虞翻古之狂直固難免乎末世然權不能容非曠宇也陸績之於楊玄是仲尼之左丘明老聃之嚴周矣以瑚璉之器而作守南越不亦賊夫人歟張溫才藻俊茂而智防未備用致艱患駱統抗明大義辭切理至值權方閉不開陸瑁篤義規諫君子有稱焉吾粲朱據遭罹屯蹇以正喪身悲夫

王順渠曰權既疾張溫名盛而駱統方曠言其美子由駁張安道救東坡事正與此相類
文燈岩曰觀此評則知權之性多嫌忌果於殺戮明矣然諸子

虞翻

六十

二十一史論贊 卷之十一
用○晦○之○智○概○未○之○聞○也○非○所○謂○各○執○其○咎○者○乎○披○覽○再○過○淒○其○
之○色○滿○楮○使○吾○潛○然○流○涕○

陸遜陸抗

評○曰○劉○備○天○下○稱○雄○一○世○所○憚○陸○遜○春○秋○方○壯○威○名○未○著○摧○而○克○
之○固○不○如○志○予○既○奇○遜○之○謀○畧○又○歎○權○之○識○才○所○以○濟○大○事○也○及○
遜○忠○誠○懇○至○憂○國○亡○身○庶○幾○社○稷○之○臣○矣○抗○貞○亮○籌○幹○咸○有○父○風○
奕○世○載○美○具○體○而○微○可○謂○克○構○者○哉○

王○順○渠○曰○伯○言○與○關○公○書○詞○語○甚○誠○心○計○極○譎○雲○長○坦○懷○推○心○
竟○為○所○斃○遜○之○滅○族○禍○實○基○此○至○於○掩○殺○石○陽○族○誅○步○闡○又○其○
次○者○耳○

禍○起○於○微○患○成○於○所○忽○讀○威○名○未○著○二○語○使○人○藐○物○輕○世○之○念○

二十一史論卷之二十一
吳主五子
六十二
大業堂
換然冰釋

吳主五子

評曰孫登居心所存足為茂美之德慮和並有好善之姿規自砥礪或短命早終或不得其死哀哉○備○岩○霸以庶干遼奮不遵軌度固取危亡之道也然奮之誅夷橫遇飛禍矣登和二子繼承之良保業之主也咸不克終而乃留皓之凶宦以促其祀孫氏之祖父必有夫得罪於天者矣

賀齊全琮呂岱鍾離牧周魴

評曰山越好為叛亂難安易動是以孫權不違外禦卑詞魏氏凡此諸臣皆克寧內難緩靜邦域者也呂岱清恪在公周魴譎略多奇鍾離牧誦長者之規全琮有當世之才貴重於時然不檢奸子獲譏毀名云

贊諸臣先提出權之智畧可謂得振衰之法

潘濬陸凱陸胤

評曰潘濬公清割斷陸凱忠壯質直皆節槩梗有大丈夫格葉胤身繁事濬著稱南土可謂良牧矣

離折擾攘之時民生之不幸也非得良牧孰能出之水火而予以衽席乎史公所以三致意云

二十一史論贊 卷之七

是儀胡綜徐詳

評曰、是儀、徐詳、胡綜、皆孫權之時、幹興事業者也。儀清恪貞素、詳
數通使命、綜文采才用、各見信任、辟之廣、夏其椽掾之佐乎。
沈長升曰、是儀功業不及呂岱、而清約純和、與之相似、故福壽
亦相次云、每覽其事、令人嘆羨無已也。
整以暇、風格亭亭。

六十五

二十一 史記卷之七十一 卷之七十一 吳範

吳範劉惔趙達

評曰三子各於其術精矣。其用思妙矣。然君子莫後心神。宜於大道者遠者。是以有識之士舍彼而取此也。

錢與立曰。裴松之駁孫盛議亦未當也。夫極數方可以知來。一籌寧可以盡數。此必別有覆射之術。而假籌以誑人耳。魏吳在運。供屬閩伯。而魏據中原。規模先定。故當時英豪歸附。比之。二方最先。且如達欲全身避亂。雖綴迹於二荀。程郭諸吳之末。亦不為惡也。何必遠涉江湖。踟躕偽朝。卒被發棺之禍耶。孫此觀之。東南王氣亦一時附會云耳。


吳範

此評又一變格創調清新諸人

諸葛恪滕胤孫峻孫綝濮陽興

評曰諸葛恪才氣幹畧邦人所稱然驕且吝周公無觀況在於恪
矜已陵人能無敗乎若躬行所與陸遜及弟融之書則悔吝不至
何尤禍之有哉滕胤厲脩士操遵蹈規矩而孫峻之時猶保其貴
必危之理也峻綝凶監盈溢固無足論者濮陽興身居宰輔慮不
經國協張布之邪納萬彘之說誅夷其宜矣
王順渠曰元遜之才無媿乃叔所不足者無德以將之平北伐
之論實與出師表同出一揆援引証據極盡古今事勢之變不
可以其無成而遂此言之也新成之敗亦類街亭但孔明反躬

自責故人忘其敗而元遜復諫自賢故衆庶失望成敗之幾實
決於此陳氏驕吝之說難改評矣
闕按在手操縱自如而輕重詳畧之間皆有神行



王蕃樓玄賀邵韋曜華覈

評曰。薛瑩稱王蕃詭量綽異弘博多通樓玄清白節操才理條暢
賀邵厲志高潔機理清要韋曜篤學好古博見羣籍有記述之才
胡冲以為玄邵蕃一時清妙畧無優劣必不得已玄宜在先邵當
次之華覈文賦之才有過於曜而典誥不及也予觀覈數獻良規
期於自盡庶幾忠臣矣然此數子處無道之世而有名位強勉其
理得免為幸耳

岳舜牧曰。斐壘曲折有雲深林杳之致
引兩人之言為案而以己意斷之筆高識老

文化堂藏

卷之六十八



史記卷之十

卷之十

大塚堂

